

QUÆSTIO MEDICA,  
CARDINALITIIS DISPUTATIONIBUS  
MANE DISCUTIENDA  
IN SCHOLIS MEDICORUM.

Die Jovis septimâ Martii 1709.

M. FRANCISCO VERNAGE,  
DOCTORE MEDICO,

PRÆSIDE.

*An sano, varium vitæ Genus?*

I.

SANITAS, sine quâ nihil in vitâ suave esse potest, doloris vacuitate, actionumque corporis incolumitate discernitur. Stat partium primarum temperie; modulo ac normâ instrumentorum; atque amborum unione. Hanc inevitabiles casus non rarò opprimunt; sæpiùs subvertunt errores, quos quisque in vitæ instituto committit. Sunt qui fiduciâ secundæ valetudinis, illam, nullis aliàs violandam calamitatibus, sic convellunt, ut miseri antè diem non meritâ morte pereant. Alii contrà benè valentes, nè à bono illo statu deiciantur, contractum, curiosum, & uniusmodi vitæ genus scrupulosius servant: Tantus amor vitæ! Sed magnam morbis festinam aperiunt, si enim fortuitò vel aliqua necessitate à vitæ istius proposito avellantur, repentina illa mutatio (omnis siquidem naturæ inimica) ex bonâ non bonam facit valetudinem.

*Non aliter quàm qui adverso vix flumine lembum*

*Remigiis subigit: si brachia fortè remisit,*

*Atque illum in præceps prono rapit alveus amne.*

Succedunt his alii longè consultiores, qui firmam similiter, inculpabilemque sanitatem à naturâ sortiti, suo potiùs jure, quàm Medicinæ legibus agere audent, variumque vitæ genus prudentèr se quun-

tur; nè valetudinem res, quæ exterius urgent, non naturales ex facili violent. Quippè res solita minùs afficit; adeò ut insueta, quæ per se quidem innocens sit, hinc tamen nocens fiat. Ex quo profectò incidit, ut nihil maiorem corporibus indolentiam ingeneret, quàm rerum omnium in communem vitam incidentium usus: dummodò temperantia sit comes; ac sic optatissimum provisionis genus sit, ab iis quæ malum minantur, remedia mali quærere.

## II.

**V**ICTUS ratio seu vitæ genus aërem: cibum, potionem: vigiliam, somnum: motum, quietem: excreta, retenta: & animi pathemata complectitur. Hæ res, quas indifferentes vocant, modò salubres, modò insalubres sunt, tum suâ indole, tum ex utentis dispositione & genio. Sanus & benè valens vario rerum illarum usui assuescat, nè insueta aliqua molestiam afferat. Quod præceptum cùm aliis in rebus, tum in aëre multum potest. Ipse verò climatum, ventorum, & anni tempestatum ratione mutabilis, quantoperè corpora demutat. Qui cælum mutant, gravissimis sæpè malis oppugnantur. Ventorum sunt noxæ: Ausser auditum hebetat, caliginem inducit, caput gravat, &c. Aquilo tusses excitat, faucium asperitates, &c. Hic siccitate, ille humiditate; in universum tamen siccitates humiditatibus præferendæ. Quid non anni tempestates designant. Ver licet saluberrimum suis non caret malis. Sua Æstas, Autumnus, habent. Hyems malorum feracissima est, immani præsertim si frigore sæviat: cujus vi

*Concresecunt subitæ currenti in flumine crustæ,  
Undaque jam tergo ferratos sustinet orbes;  
Puppibus illa prius patulis, nunc hospita plaustris:  
Æraque dissiliunt vulgò, vestesque rigescunt  
Indutæ: cæduntque securibus humida vîna:  
Et totæ solidam in glaciem vertère lacunæ:  
Stiriaque impexis induruit horrida barbis.  
Interea toto non secius aëre ningit:*

*Intereunt pecudes: &c,*

Tunc contingunt Pleuritides, Erisypelata pulmonis sphacelo citissimè interimentia, quibus omnis ferè Medicina inutilis est: attoniti mali novitate cedunt Magistri; discutientia tamen medicamenta, sudoremque moventia nonnihil proficere perhibent. Quoniam igitur tanta vis est aëris, danda opera est, ut quàm minimum ejus corpori occurfus sit insolens: nimirum, ut quod sæpè sustinendum necessariò est, id ubi incidit, facillè sustineatur. Propterea consultum est cuivis cælo assuescere, ac modò ruri esse, modò ad urbem redire, interdum æstus, interdum frigora ventosque spontè experiri; deni-

que nullas non calamitates pro exploratis habere, nè quâ re novâ praterque solitum unquam corpus moveatur.

## III.

**C**IBI atque potûs vis est aëri proxima ad corpus afficiendum. Idcirco quisquis rectissimè valet, sese ad cuncta genera ciborum & poruum, qui populo sunt usui, comparet; idque eâ de causâ nè offendatur, siquandò aliquâ adactum necessitate insolitis uti oporteat. Igitur non uno in victûs genere diù persistat, sed modò vivat siliquis atque pane secundo: modò, si unctius & melius quid incidit, eo vescatur: à vino ad aquam aut zythum, ab his ad vinum transeat. Calidam, frigidam alternis vicibus bibat. Nova nostrorum hominum potuum genera non respuat. Convivetur interdum. Ex variis mensæ epulis modicè degustet, quæ non varietate, sed luxu nocent. Absit ut perditissimos imitetur. Epulones, quorum stomachus ea respuit, quæ nè mens quidem cessat concupiscere. Quare sciat moderatione quâdam hîc opus esse, neque sibi pro suâ libidine quævis apposita vorare licere: Nunquam utilis est nimia satietas. Intemperantia durior est in potione, quàm in escâ. Secundas mensas non reformidet

*velut illis acribus cibis, promittit*  
*Canidia afflasset, pejor serpentibus acribus*  
 Sapiùs contractè vivat. Postremò nihil non tentet, nè quid per necessitates ipsi sit nimium insolens. Semper meminerit sanitatis tuendæ studium esse comesse ad frugalitatem.

## IV.

**U**T sobrietas, sic & labor fidissimus est sanitatis custos; scilicet hîc vires adjicit, illa superflua circumcidit. Amorum coitus omnis valetudinis caput & cardo est. Affert utique exercitatio præstantissima corpori bona, quæ sunt caloris insiti augmentum, excrementorum expurgatio, & solidarum partium robur. Unde scripsit Hippocrates laborem articulis & carnibus esse cibum. Ergo labor omnibus ad sanitatem juxta necessarius est. Non atas, non corpus, non denique temperatura ulla est, cui hujus rei neglectus sit indemnus. Ignaviâ corpus hebescit, labore firmatur; illa maturam senectutem, hic longam adolescentiam facit. Cuilibet exercitationum generi sustinendo assuescat sanus, ut quodvis melius ferat. Senes etsi pro naturæ suæ imbecillitate levissimis erroribus cedunt, adolescentes verò pro virium ingenito robore gravissimis resistunt, hos tamen insolitus labor frangit, quem illi, modo huic assueverint, non solum sunt ferendo, verum etiam lubentèr ac multâ cum voluptate ferunt. Laborem non superet cibus, sed ab illo superetur. Minimè tamen, ubi fames, laborandum est. S.

corpus defatigari cæperit, quies lassitudinem statim levat. Ut frequentius exerceri utilissimum, ita abstineri laboribus interdum necessarium est. Habet quies sua privatim haud spernenda comoda, ut quæ detentis intus sanguine, calore, ac spiritu concoctionem adjuvet. Nimirum sub hac alimenti concoctio, sub labore distributio magis vigent. Quiescere interdum opus est, ne, cum præter morem feriandum est, insolito otio corpus torpescat. Vigilia edax: somnus visceribus alimentum. Somni jejunum attenuant, plenum vigiliæ. Vigilans exterius calidior, intus frigidior: Dormiens contrâ. Interdum vigilandum, noctu dormiendum. Statim hanc vigiliæ & somni alternationem plurima sæpè interturbant. Idcirco qui bonam noctis partem duxit insomnis, manè redormiat. Meridiari assuescat, ne somni tunc temporis capiendi dissuetudine lædatur.

## V.

**A**NIMI pathematis hominem vacare votum est. Hæc temperare & moderari res ardua, plenaque difficultatis. Etiam si moderata sint, nullus horum ferè usus, præterquam gaudii. Spiritus & sanguinem variis modis oppugnant & exercent. Nam modò incitant, modò retardant: modò inflammant, modò refrigerant. Timore & tristitiâ spiritus atque sanguis torpent & intrò revocantur, unde fit ut timentibus & mæstis extrema frigeant. Contrâ verò in irâ ambo fervidiores ebulliunt, confertimque foras ad cutem emergunt. Gaudio, profuso scilicet, effunduntur. Isthis mentis emotionibus mirè corpus convellitur; quantò perniciosius id contingit, si præceps sit transitus ab uno animi pathemate ad aliud; plurimum namque & repentè corpus movere periculosum est. Indè fit ut, quem res secundæ plus nimio delectaverunt, mutatae quædant. Itaque sanus & sapiens in gaudio aptet idonea tristitiæ; speret infauftis, metuat secundis alteram sortem benè preparato pectore. Æquam rebus in arduis mentem servet, ut & in bonis à profusâ temperatam lætitiâ. Nusquam sit immemor tempus esse ridendi, tempus flendi. Sic rerum expertus vicissitudines, ab his minus ferietur: adeo in variis consuescere multum est!

*Ergo sano, varium vitæ Genus.*

Proponebat Parisiis ÆGIDIUS ADAM, Constantiensis,  
Baccalaureus Medicus. A. R. S. H. 1709.

Typis Viduæ Francisci Muguet, Regis & Facult. Medicinæ Typographi.